




SERIES
EPISCOPORUM
VARMIENSIIUM.

Typis Monasterii Olivensis S.O.C.
primum promulgata,
ANNO DOMINICÆ INCAR-
NATIONIS. M. DC.
LXXXI.

†
† (†) †
†



E. XXIII 422 bernadki

SANCTISSIMÆ VIRGINI
SINE NOXA ORIGINALI CONCEPTÆ,

M A T R I
VERBI INCARNATI,

AUGUSTISSIMÆ COELI & TERRÆ


IMPERATRICI,

BASILICÆ CATHEDRALIS VARMIENSIS
ET CASTRI

DOMINÆ PATRONÆ:


Series & Ordo Episcoporum Varmiensium infra
Lunam subpedaneam substernunto &
Sacer esto.


SERIES
EPISCO-
PORUM
VARMIENSIIUM.



MITRA TRIES gaudet, et TRIUMPHI faciat atropas
 Hoc majus faciunt hæc TRIA juncta decus. J.P.


4913





ANSELMUS.

Misnensis Monachus S. Francisci, seu ut probabilius
est, ex Ordine Cruciferorum. Institutus M CC
XLIII. Dominicâ in Albis. Obiit M. CC. LXII.
die XX. Maij. Sepultus Elbingæ.



*Ordine primus erat, Claustrali ex Ordine, nullas
Hic invenit opes, sed opus, namq; unica totus
Marca fuit relictus. Cathedram fundavit in Urbe
Brunsbergæ, evertit Quercum statuasq; Deorum.*

HENRICUS.

Ex Decano Brunsbergensi. Obiit An. M. CCC.
Sedit Annis ferè XL. Sepultus in Ecclesia Ca-
thedrali.



*Prusſica Germanos inducit ad arva Colonos
Hinc aucti reditus, Viduae donata favore
Jugera, Fraumburgum vocat; atq; ibi condidit Urbem,
Et mox Brunsbergâ Cathedram transportat eodem.*

EBERHARDUS.

Ex Canonico Varmieni. Obiit Anno M. CCC.
XXVI. viii Kalendas Junias. Sepultus in Ecclesia
Cathedrali.



*Condidit Heilsbergam, Vormditum, Gustadiumq̄.
An non hoc satis est dixisse?*

4tus.

JORDANUS.


Obiit Anno M. CCC. XXVIII. XVII. Kalendas
Decembris. Sepultus in Ecclesia Cathedrali.



*Jam de pontanus senio confectus, & aeger
Vix binos Cathedrae Varmienſi praeſuit annos.*

HENRICUS WAGENAX.

Obiit M. CCC. XXXIV. die IX. Aprilis. Sepultus Frauenburgi. Vacavit Sedes annis VIII.



*Regiomontanus meritis venerandus & annis,
Divini eloquio Verbi facundus & ardens,
Quindenos censum cunctis indulgit in annos,
Ut restaurarent vastatos cladibus agros.*

HERMANNUS.

Dominus in Libenstein dictus de Pragâ à Benedi-
cto XII. provifus An. M. CCC. XXXVIII. Obiit M.
CCC. L. Sepultus in Ecclesia Cathedrali.



Varmia continuos octo viduata per annos
Præsule, Romanâ missum suscepit ab Urbe
Hermannum, hic Moravâ fuerat de gente, Senator
Bohemia, Auditorq; Rotæ, Vir gratus in Aulis.

JOANNES.


Misnensis. Hic iterum Româ rescriptum accepit, ut
Episcopatus Varmiensis soli Papæ immediatè subesset.
Obiit M. CCC. LV. Sepultus in Cathedrali.



*Artibus ingenius famosus & Arcibus, iste,
Resseli, Heilsberg.e, Seburgi condidit Arces,
Et Frauenburgi Templum, sed raptus iniquo
Fatorum furto, cæpta imperfecta reliquit.*

JOANNES STREIFROCK.

Lipsiensis. Obiit Avenione Anno M. CCC.
LXXIII. die 1. Septembris. Vacavit Sedes annis
quinque.



*Contra Theutonicos Fratres benè Jura tuetur
Confinesq; suos; hinc multis litibus actus
Aveniona petit, sacrata ad Limina Petri
Confugiens, ibi mox curis consumptus obiit.*

HENRICUS SORBOHM.

Hic à Carolo IV. pro se & quolibet Episcopo Varmieniensi accepit titulum Principis Romani Imperii. Obiit M. CD. l. die XIII. Jan. Sepultus in Cathedrali.



*Hic malè partitur bona, nam sex millia per die
Mansorum, multosq; Lacus. Compescit iniquos.
Brunsbergæ motus, nam torta ad colla rebelles
Fune, petunt veniam, edocti non temnere Divos.*

HENRICUS FOGELSANG.

Ex Canonico Varmiensi consecratus M. CD. I.
XXVI. Martii. Obiit M. CD. XV. Sepultus in
Cathedrali Ecclesia.



Obvius armato Jagelloni atq; Vitoldo,
Exorat pacem pro se, hinc livore Magistri
Theutonici petitur, mentito habitu fugit, Exul
Litigat, & Victor redit, at mox vivere cessat.

JOANNES ABEZIER.

Electus Anno M. CD. XV. VIII. Junii. ex Præposito Varmiensi. Obiit M. CD. XXIV. XI. Februarii. Sepultus in Cathedrali.



*Causarum Auditor Papæ, Cameræq; Minister
Martini Quinti : cuius Germania suadam
In Constantinâ Synodo miratur; ibidem
Consecratus; Oves exemplo rexit & ore.*

FRANCISCUS KUHSCHMAL TZ.

Reseliensis, ex Præposito Varmiensi Electus M.
 CD. XXIV. XIII. Febr. Sub hoc rebellio rusticorum
 orta, vix post annum sedata. Obiit Vratilaviæ An-
 no M. CD. LVII. die X. Junii.



*Armentis infesta lues vitia verat auras,
 Prosterbens pecudes; quingentos mille coëmit
 Tum FRANCISCUS equos, elargiturq; Colonis.
 Silesiam ob motus petit, & decedit ibidem.*

ÆNEAS SYLVIUS.


Picolomini Senensis, ex Cardinali S. Sabinæ &
Episcopo Varmieni Electus Papa M. CD. LVIII. die
X. Augusti, dictus Pius II. Coronatus III. Septemb. in
quam inciderat anniversaria dies Dedic. Eccl. Varm.



*Sæpe locum fecit fortuna Livor, ab istâ
Exclusus Cathedra fit Præsul Maximus Orbis.
Invide quid frustra fortunam invertis amici?
Perrumpet fossas, & ab objice fortior ibit.*

PAULUS DE LEGENDORF.


Nobilis Pruthenus, adiit Episcopatum M. CD. LX.
 Se, & Varmiam Regi Poloniae tradidit. M. CD.
 LXVI. Obiit Bartensteini veneno, M. CD. LXXI.
 Sepultus Brunsbergæ.



*Papa Pius Paulo ceu fido imponit amico
 Varmiacam Mitram, qui se Cathedramq; Polonis
 Subdit; non potuit factum hoc tolerare Magister
 Ordinis, & Paulo dat, servi fraude, venenum.*

NICOLAUS A TÜNGEN.


E Districtu Vormditensi ex Canonico Varmien.
 Electus M. CD. LXXI. Obiit M. CD. LXXXIX.
 Die XIV. Februarii. Sepultus in Cathedrali Ecclesia.
 Sedit annis XVlll.



*Detrectat Regis Casimiri agnoscere sceptras,
 Vnitâq; manu cum Fratribus Ordinis, arma
 Et parat, & sumit, sed bello lassus adorat
 Regales fasces, Juratq; in Regia verba.*

LUCAS WEISSELROT.

Dictus de Allen, Torunensis. Electus M. CD. LXXXIX. Archiepiscopo Rigensi, ne subesset defendit se jure exemptionis. Obiit Anno M, D. XII. Dominica Judica. Sedit annis XXIII. Sepultus in Cath.



*Hic nunquam, ut fertur, risit, tamen omnia leta
Varmênsi terræ præstat. Nam pace quietâ
Floruit, & Mensa est multis proventibus aucta.
Arx Heilsbergensis flammis absumpta renata est.*

FABIANUS DE LUSIANII.


Nobilis Pruthenus, Obiit M. D. XXIII. Die
XXX. Januarii. Sepultus in Cathedrali.



*Concesit Matri rerum Lusianus habenas,
Fœmineo pendens de nutu. Hunc Marchio strictè
Obsidet Albertus, sed spe frustratur inani;
Gangrænâ infectus decesit, crure reciso.*

MAURITIUS FERBER.

Leonis X. Cubicularius, Custos Varm. Lube-
 cen. Revalien. Derpaten. Canonicus, Parochus Gedan.
 & Melabac. Electus in Epum. M. D. XXIII. XIII. Oct.
 Obiit M. D. XXXVII. I. Julii. Sepultus in Cathed.



*Motus Brunsberg e cicurat, nova dogmata in herba
 Extingvit, leges dat Clero, & Sacra Statuta,
 Auget proventus Successorū, decoras
 Aedes erexit Fraumburgi, & mœnia templo.*

JOANNES.


De Curiis, dictus Flaxbinder, ex Episcopo Culmenſi Varm. Sedit annis XI. Obiit M. D. XLVIII. Ætatis LXIV. Sepultus in Cathedrali.



*Eloquio nitidus Præſul, clarusq; Poëſi.
 Tres illum Reges titulis auxere Poloni.
 Munere Legati varias perfunctus ad Oras,
 Ingentes plauſus famæ, & referebat honores.*

TIDEMANNUS GISE.

Custos Varmienſis, Parochus Gedanen. poſt Epiſcopus Culmenſis, demùm Varmienſis. Sedit uno Anno & medio. Obiit M. D. L. XIV. Octobris. Ætatis LXXI.



Facundus calamo Præſul, fœcundus & ore,
Sed (quod vix credas) inrelligione remiſſus.

Inò aliquid contra, ſcriptis vulgavit iniquum.

Quam ſepè ingeniis mixta eſt dementia magnis!

STANISLAUS HOSIUS.


Prius Culmenſis, poſt Varmiēſis Epicoſopus, S.R.E.
 Titulo S. Mariæ trans Tyberim Cardinalis, Pœni-
 tentiarius Major. Sedit annis XXVIII. diebus XV.
 Obiit M. D. LXXIX. V. Auguſti. Sepultus Romæ.



*Ad Ferdinandi ſit Papæ Nuntius Aulam,
 Concilii Primus Præſes, Rectorq; Tridenti;
 Abſens Purpureum capit Inuitusq; galerum,
 Sed gerit Inuictus; propugnans dogmata Chriſti.*

MARTINUS CROMER.


Cantor & Coadjutor Varmiensis, Canonicus
Cracoviensis. Obiit M. D. LXXXIX. XXIII. Mar-
tii. Ætatis plus quàm LXXVII. Sepultus in Ecclesia
Cathedrali.



*Novit Cromerum, novit quicunq; Polonos,
Quos docto totum calamo produxit in Orbem,
Extendens fastis facta, & longæva Trophæa,
Nec Scriptor tantum, sed Pastor magnus ubiq;.*

ANDREAS BATHORI.


S. R. E. Titulo S. Angeli in foro piscium Cardinalis, Diaconus. Occisus M. D. XCIX. XXXI. Octobris. Sepultus Albæ Juliæ XXIV. Novembris. Ne-
pos Stephani Regis.



*Regalis de Fratre Nepos, dum fura paterna
Vindicat, & querit, Transylvanumq; Ducatum
Intrat, ab adversi Michaëlis concidit astu.
Discite mortales, contenti vivere pauco.*

PETRUS TYLICKI.


Primò Culmensis, postea M. DC. Varmiensis
Episcopus, simulquè Regni Procancellarius, transla-
tus Vladislaviam, denique Cracoviam.



*En Patriæ Custos Aquile, Regniq; Minister,
Lingvæ illi magna ubertas ac dulce loquendi
Pondus, & attonitas sermo qui duceret aures ;
Cracoviae tandem Sedis conscendit honores.*

SIMON RUDNICKI.

Custos Gnesnensis, Præpositus Posnan. Archidiac.
 Unieoviensis, Scholaſticus Lanciciensis, Cracoviensis,
 Varmien. Canonicus, Secretarius Major, & Referend.
 Regni, adiit Cath: Varmien. M. DC. V. Dominica
 Palmar. Obiit M. DC. XXI. V. Julii. Sedit an. XVI.



*Dictis & factis indefessòq; labore
 Commissas benè pascit oves. Brandenburgica Feuda
 Concinnat Regis jussu; tutatur egenos,
 Ære juvans proprio; moritur proventus in annis.*

JOANNES ALBERTUS.


Sigismundi III. Poloniæ, Sveciæque Regis, & Constantiæ Austriacæ Filius. S. R. E. Cardinalis, Diaconus. Sedit in Varniensi Annis decem. Translatus Cracoviam.



*Ostendunt terris hunc tantum fata, nec ultra
Esse sinunt, magno Magnorum Sangvine Regum
Austriadumq; Satus; Patavina extinctus in Urbe,
Vix oritur, moritur, sub primo flore juventæ.*

NICOLAUS SZYSKOWSKI.


Cracoviensis, Plocensis, Pultoviensis, Canonicus,
 Abbas Czervviniensis, Secretarius Major. Adijt Cath.
 Anno M. DC, XXXIV. Obijt M. DC. XLIII.
 VII. Februarii. Sepultus in Cathedrali.



*Eheu quàm rarò respondent ultima primis !
 Omnibus excultus fortunæ, animiq; talentis,
 Urbanus, largus, prudens, generosus ; at ecce
 Fit similis puero, tetricus, lucemq; perosus.*

JOANNES KONOPACKI.


Abbatix Tynecensis Administrator, Nominatus
 Varmiensis, jamquè Electus & Confirmatus, Pos-
 sessione non accepta. Obiit M. DC. XLIV.



Comis, linguarum gnarus, morumq; peritus ;
 Splendidus, & cunctis Regali gratus in aulâ.
 Consensu obtento Româ, dum gestit adire
 Heilsbergam ; in Claustro Tynecensi è corpore migrat.

V E N C E S L A U S .


Comes de Lesno, Præpositus Plocensis, & Lancien. Canon. Cracov. Referendarius Regni. Sedit in Episcopatu annis XV. Translatus Gnesnam, Magnus Regni Primas, Primusque Princeps.



*Et genere & genio Magnus ; cui Gallica plausit,
Nostrum cum veberet Reginam ad Clima Luisam,
Brandburgum & Regem discordes, fœdere junxit ;
Translatus Gnesnam septem illic præfuit annis,*

JOANNES STEPHANUS WYDZGA

Præpositus Leopoliensis & Cracoviensis, Canonicus Plocensis, Abbatiaë Sieciechoviensis Administrator: Vladislai IV. & Joannis Casimiri Concionator: Referendarius, postea Secretarius Regni Major; Cancellarius Reginaë; ex Episcopatu Luceoriensi Translatus ad Varmiensem. M. DC. LX. Tandem Anno M. DC. LXXVI. die XII. Martii Cracoviæ (per extraordinariam Republicæ dispensationem) factus Regni Pro-Cancellarius. Postea supremus Cancellarius & Nominatus Archiepisc. Gnesnens. Vivit.



MICHAEL STEPHANUS.

Comes in Radziejovvici & Krilovv Radziejo-
 vvski, Præpositus S. Michaëlis Cracoviensis, Gne-
 snensis, Varmiensis, Varsaviensis Canonicus. Electus
 die XXX. Octobris. M. DC. LXXIX. à Sede
 Apostolica confirmatus, venit in Episcopatum die
 XX. Julii. M. DC. LXXXI. Sedet feliciter.



ANNO
à
PARTU VIRGINIS



M. DC. LXXXI.